

Broj: 101 - 9461 - 1/22 DžS  
Zenica, 18.08.2022. godine

Na osnovu člana 72., stav 3., tačka c) Zakona o javnim nabavkama („Službeni glasnik BiH“, broj 39/14), a u skladu sa članom 26. i 27. Statuta Javnog preduzeća «Vodovod i kanalizacija», direktor Javnog preduzeća «Vodovod i kanalizacija» d.o.o. Zenica donosi

## O D L U K U

### o dodjeli okvirnog sporazuma drugorangiranom ponuđaču

#### Član I

Okvirni sporazum u postupku nabavke agregata, LOT 2 – krečnjački agregati dodjeljuje se drugorangiranom ponuđaču **ALI&VIS d.o.o. Kreševo**, a prema ponudi broj: 501-8692/22 od 15.06.2022. godine, za ponuđenu cijenu u iznosu od 108.000,00 KM bez PDV-a, a nakon što je prvorangirani ponuđač DRVOREZ d.o.o. Hadžići, propustio da potpiše dodijeljeni okvirni sporazum.

#### Član II

Ovom Odlukom stavlja se van snage Odluka o izboru najpovoljnijeg ponuđača broj: 101-19461/22 DžS od 01.07.2022. godine.

Prijedlog okvirnog sporazuma dostavit će se na potpis izabranom ponuđaču ALI&VIS d.o.o. Kreševo nakon istekao roka od 15 dana, računajući od dana kada su svi ponuđači obaviješteni o izboru najpovoljnije ponude.

#### Član III

Za izvršenje ove Odluke zadužuje se Komisija za nabavke, Služba za opšte i kadrovske poslove te Komercijalna i Finansijska služba u preduzeću.

#### Član IV

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71., stav 2. Zakona o javnim nabavkama („Sl. glasnik BiH“ broj 39/14.).

#### Član V

Ova Odluka objavit će se na web-stranici <http://www.vikze.ba/>, istovremeno sa upućivanjem ponuđačima koji su učestvovali u postupku javne nabavke.

### Obrazloženje

Postupak javne nabavke pokrenut je Odlukom o pokretanju postupka javne nabavke broj: 101-7451/22 BS od 24.05.2022. godine. Javna nabavka je provedena putem otvorenog postupka sa zaključivanjem okvirnog sporazuma na period od 12 mjeseci.

Procijenjena vrijednost javne nabavke bez uračunatog PDV-a je 121.000,00 KM.

Dana 24.05.2022. godine na Portalu javnih nabavki, istovremeno sa objavljivanjem Obavještenja o nabavci broj: 439-1-1-219-3-35/22 objavljena je i tenderska dokumentacija.

Poziv za preuzimanje tenderske dokumentacije broj: 406-7451-2/22 BS od 24.05.2022. godine upućen je sljedećim ponuđačima:

1. Kalvarija Cop d.o.o. Vitez
2. JATA Group d.o.o.
3. IGM-IUT Haskić d.o.o.
4. Građevinar d.o.o. Novi Travnik
5. Almy d.o.o. Zenica
6. Almy transport d.o.o. Zenica

U prilogu se dostavlja Izvještaj o preuzimanju tenderske dokumentacije od strane ponuđača preuzet sa portala javnih nabavki dana 28.06.2022. godine u 09:53 sati.

Rok za dostavljanje ponuda je bio 15.06.2022. godine do 11:00 sati.

U prethodno navedenom roku, na protokolu JP „Vodovod i kanalizacija“ d.o.o. Zenica zaprimljene su četiri ponude u zatvorenoj kovrti, i to:

1. JATA GROUP d.o.o. Srebrenik
2. ALI & VIS d.o.o. Kreševo
3. DRVOREZ d.o.o. Hadžići
4. KOMGRAD-ZE d.o.o. Zenica

Komisija za nabavku imenovana je Odlukom broj: 101-4913/22 BS od 30.03.2022.godine.

U postupku, prema Zapisniku o ocjeni ponuda, utvrđeno je da je Komisija za nabavku blagovremeno i pravilno sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 4 (četiri),
- da su blagovremeno zaprimljene 4 (četiri) ponuda,
- da nema neblagovremeno zaprimljenih ponuda,
- ukupno 25 (dvadesetpet) ponuđača je preuzelo tendersku dokumentaciju sa Portala javnih nabavki.

Komisija za nabavku je dana 01.07.2022. godine direktoru preduzeća dostavila Zapisnik o ocjeni ponuda broj: 501-9459/22 DžS od 01.07.2022. godine sa preporukom o izboru najpovoljnijeg ponuđača.

Uvidom u priloženu dokumentaciju otvorenog postupka broj: 406-7451-3/22 BS od 24.05.2022. godine – Nabavka agregata, LOT 2 – krečnjački agregati, a tokom preliminarnog pregleda i ocjene prispjelih ponuda, Komisija po članu 66. Zakona o javnim nabavkama (“Sl. glasnik BiH”, broj: 39/14), i članu 17. Uputstva za pripremu modela tenderske dokumentacije i ponuda (“Sl. glasnik BiH”, broj: 90/14), nije našla osnovan razlog da izrazi sumnju da je cijena dostavljenih ponuda neprirodno niska.

Dopisom broj: 501-8867/22 MS od 17.06.2022. godine ugovorni organ je u skladu sa članom 68. ZJN BiH od ponuđača DRVOREZ d.o.o. Hadžići zatražio pojašnjenje ponude. Naime, obzirom da je ponuđač dostavio izvod iz sudskog registra iz kojeg nije moguće utvrditi vezu između registrovanih djelatnosti i predmeta nabavke ugovorni organ je od ponuđača DRVOREZ d.o.o. Hadžići zatražio da dostavi dokaz iz kojeg jasno proizilazi da je registrovan za obavljanje djelatnosti koja je u vezi sa predmetom nabavke.

Dana 23.06.2022. godine na protokolu ugovornog organa je zaprimljen dopis od strane ponuđača DRVOREZ d.o.o. Hadžići, evidentiran pod brojem: 501-9168/22, u kojem je ponuđač između ostalog objasnio da je registrovan za obavljanje djelatnosti i za šifru djelatnosti 46.73 – trgovina na veliko drvom, građevinskim materijalom i sanitarnom opremom što prema važećim propisima uključuje trgovinu predmetom nabavke.

Predmetno pojašnjenje je ugovorni organ uvažio.

Dopisom broj: 501-8868/22 MS od 17.06.2022. godine ugovorni organ je u skladu sa članom 68. ZJN BiH od ponuđača ALI&VIS d.o.o. Kreševo zatražio pojašnjenje ponude. Naime, obzirom da je ponuđač dostavio izvod iz sudskog registra iz kojeg nije moguće utvrditi vezu između registrovanih djelatnosti i predmeta nabavke ugovorni organ je od ponuđača ALI&VIS d.o.o. Kreševo zatražio da dostavi dokaz iz kojeg jasno proizilazi da je registrovan za obavljanje djelatnosti koja je u vezi sa predmetom nabavke.

Dana 22.06.2022. godine na protokolu ugovornog organa je zaprimljen dopis od strane ponuđača ALI&VIS d.o.o. Kreševo, evidentiran pod brojem: 501-9105/22, u kojem je ponuđač između ostalog objasnio da je u skladu sa Odlukom o klasifikaciji djelatnosti BiH 2010 registrovan za obavljanje djelatnosti i za šifru djelatnosti 46.73 – trgovina na veliko drvom, građevinskim materijalom i sanitarnom opremom te da ovaj razred između ostalog uključuje trgovinu na veliko građevinskim materijalom, pijeskom, šljunkom, a što je jasan podatak koji je zahtijevao ugovorni organ.

Predmetno pojašnjenje je ugovorni organ uvažio.

Ponuđači su dostavili formalno – pravno ispravne i tehnički prihvatljive ponude, te im je ugovorni organ shodno odredbi čl.4. Pravilnika o načinu korištenja e-aukcije zakazao e-aukciju za dan 30.06.2022. godine, u terminu od 10:00 sati.

Ponude ponuđača, prije početka e-aukcije su:

1. JATA GROUP d.o.o. Srebrenik, sa ukupnom cijenom ponude u iznosu od 121.000,00 KM bez PDV-a
2. ALI & VIS d.o.o. Kreševo, sa ukupnom cijenom ponude u iznosu od 108.000,00 KM bez PDV-a

3. DRVOREZ d.o.o. Hadžići, sa ukupnom cijenom ponude u iznosu od 67.500,00 KM bez PDV-a
  4. KOMGRAD-ZE d.o.o. Zenica, sa ukupnom cijenom ponude u iznosu od 122.500,00 KM bez PDV-a
- E - aukcija je održana u zakazanom terminu.

U e-aukciji ponuđači nisu mijenjali iznose svojih ponuda.

Konačne ponude, nakon završetka postupka e-aukcije su:

1. DRVOREZ d.o.o. Hadžići, sa ukupnom cijenom ponude u iznosu od 67.500,00 KM bez PDV-a
2. ALI & VIS d.o.o. Kreševo, sa ukupnom cijenom ponude u iznosu od 108.000,00 KM bez PDV-a
3. JATA GROUP d.o.o. Srebrenik, sa ukupnom cijenom ponude u iznosu od 121.000,00KM bez PDV-a
4. KOMGRAD- ZE d.o.o. Zenica, sa ukupnom cijenom ponude u iznosu od 122.500,00 KM bez PDV-a

Polazeći od gore navedenih konstatacija, a shodno odredbama Zakona i opštim aktima ugovornog organa, Komisija je prema utvrđenom kriteriju „najniža cijena“ prihvatljivih ponuda/ponuđača, ocijenila kako slijedi:

1. DRVOREZ d.o.o. Hadžići, sa ukupnom cijenom ponude u iznosu od 67.500,00 KM bez PDV-a
2. ALI & VIS d.o.o. Kreševo, sa ukupnom cijenom ponude u iznosu od 108.000,00 KM bez PDV-a
3. JATA GROUP d.o.o. Srebrenik, sa ukupnom cijenom ponude u iznosu od 121.000,00KM bez PDV-a
4. KOMGRAD- ZE d.o.o. Zenica, sa ukupnom cijenom ponude u iznosu od 122.500,00 KM bez PDV-a

Shodno prethodno navedenom, Komisija je sa 3 (tri) glasa ZA i 0 (nula) glasova PROTIV donijela odluku da je najpovoljniju ponudu za nabavku agregata, LOT 2 – krečnjački agregati dao ponuđač DRVOREZ d.o.o. Hadžići, jer je ponuđač dostavio ponudu sa najnižom cijenom prihvatljive ponude, te Komisija predlaže da se sa navedenim ponuđačem kao najpovoljnijim zaključi okvirni sporazum.

Ugovorni organ je dana, 01.07.2022. godine donio Odluku o izboru najpovoljnijeg ponuđača broj: 101-9461/22 DŽS, koja je dostavljena svim ponuđačima-učesnicima u postupku.

Izabrani najpovoljniji ponuđač u ostavljenom roku nije dostavio potpisani okvirni sporazum te se oglašio na poziv ugovornog organa upućen putem kontakt emaila ponuđača dana 17.08.2022. godine da odmah dostavi okvirni sporazum ili da pismenim putem obavijesti ugovorni organ da nije u mogućnosti da isto učini.

Obzirom da navedeni ponuđač nije poduzeo nikakvu radnju u ostavljenom roku ugovorni organ je postupajući u skladu sa članom 72., stav 3., tačka (c) Zakona o javnim nabavkama ugovor dodijelio drugorangiranom ponuđaču, kao što je i navedeno u članu 1. ove Odluke.

#### **POUKA O PRAVNOM LIJEKU:**

Protiv ove Odluke može se izjaviti žalba, najkasnije u roku od 10 (deset) dana od dana prijema Odluke.

Direktor:

  
*Emir Pašalić*  
Pašalić Emir, dipl.ing.građ.

#### **DOSTAVLJENO:**

- 1 x Ponuđačima
- 1 x Direktor preduzeća
- 1 x Pom.dir za ekon. i prav. posl.
- 1 x Pom.dir.za tehn.posl.
- 1 x Pom. dir.za razvoj i invest.
- 1 x Komercijalna služba
- 1 x Tehnička služba
- 3 x Članovima Komisije
- 1 x Sekretar Komisije
- 1 x a/a